

In d' Luur

# Fiev, veer, dree, twee, Prost!

Van Karin Böhmer



Dat Daaltellen an Silvester fangt in dit Johr al ehrder an as anners. Anners sünd dat blot de lesde Sekunnen. Man nu gifft dat so ,n lüttjen Countdown, well sük woll dörsetten kann. De, de seggen: Dat Ballern is verboden. Of de, de seggen: Dat kannst blot wegen Corona nich all ofseggen. In disse Week is anörmt worden, dat dat still blifft tüsken de Johren. Nu hett en Gericht seggt, so kumpleet kannst dat nich verbeden. Denn van Wunnerkeersen geiht kien groden Gefahr ut un daar löppt ok nich gliiek de hele Naberskupp um tohoop un steckt sük mit Corona an. De Sprinkelkeersen weren aver ok verboden. Nu bün ik gespannt, wo't wiedergeiht. Of de Regeren daar noch an dreiht un de Balleree an enkelte Platzen of bloot de Raketen unnerseggt? Fiev, veer, dree, twee, Prost - denn sücht dat al weer anners ut. Un of denn woll de Gegners van de Balleree daar tegen angungen? Fiev, veer, dree, twee, Prost - Ielandragg vör't Gericht? Is spannend worden mit uns Bruukdom in lesde Tied. Weer bi't Osterfüür nett so. Dürt en? Dürt he nich? Of sull en de hele Budel verdagen? Denn kunn 2021 dat eerste Johr worden, waar Silvester, Ostern und Pingsten up en Dag fallen.